




樊川集

二

津田文庫  
文庫 1  
1675  
2





東門清事

收收

三言

楊子有林... 東門清事... 收收... 三言... 楊子有林... 東門清事... 收收... 三言...



樊川詩集卷第三

一 在文庫

唐 杜牧 牧之

揚州三首

揚帝雷塘土迷藏有舊樓誰家唱水調明月滿揚州揚帝  
鑿汴渠成駿馬宜閑出千金好舊一作游喧闐醉年少半脫帝  
自造水調紫茸裘

秋風放螢苑春草鬪雞臺金絡擎鵬去鸞環拾翠來蜀  
船紅錦重越橐水沈堆處處皆華表淮王奈却回  
街垂千步柳霞映兩重城天碧臺閣麗風涼歌管清纖  
腰間長袖玉珮雜繁纓拖軸誠為壯豪華不可名自是

木牛言集卷三  
荒淫罪何妨作帝京

潤州二首

句吳亭東千里秋放歌曾作昔年遊青苔寺裏無馬一作馬  
跡綠水橋邊多酒樓大抵南朝皆曠達可憐東晉最風  
流月明更想桓伊在一笛聞吹出塞愁

謝眺詩中佳麗地夫差傳裏水犀軍城高鐵瓮橫強弩

潤州城孫權築號為鐵瓮柳暗朱樓多夢雲畫角愛飄江北去釣歌長

向月中聞揚州塵土試回首不惜千金借與君

題揚州禪智寺

雨過一蟬噪飄蕭松桂秋青苔滿階砌白鳥故遲留菜

靄生深樹斜陽下小樓誰知竹西路歌吹是揚州

西江懷古

上吞巴漢控瀟湘怒似連山淨鏡光魏帝縫囊真戲劇  
符堅投筮更荒唐千秋釣艇一作舸歌明月萬里沙鷗弄夕  
陽范蠡清塵何寂寞好風唯屬往來商

江南懷古

車書混一業無窮井邑山川今古同戊辰年向金陵過  
惆悵閑吟憶庾公

江南春絕句

千里鶯啼綠映紅水村山郭酒旗風南朝四百八十寺

1675-2

多少樓臺煙雨中

將赴宣州留題揚州禪智寺

故里溪頭松柏雙，來時盡日倚松窓。杜陵隋苑已絕國，  
秋晚南遊更渡江。

題宣州開元寺水閣閣下宛溪夾溪居人

六朝文物草連空，天淡雲閑今古同。鳥去山色裏，  
人歌水聲中。深秋蕭蕭千家雨，落日樓臺一笛風。  
惆悵無因見一作逢范蠡，參差煙樹五湖東。

宣州送裴坦判官往舒州時收欲赴官歸京

日暖泥融雪半銷，行人一作行芳草馬聲驕。九華山路雲遮

村一作頭

寺清弋江村柳拂橋，君意如鴻高的的。我心懸旆正其  
搖，同來不得同歸去。故國逢春一寂寥。

句溪夏日送盧霈秀才歸王屋山將欲赴舉

野店正紛泊，繭蠶初引絲。行人碧溪渡，繫馬綠楊枝。苒  
苒跡始去，悠悠心所期。秋山念君別，惆悵桂花時。

自宣城赴官上京

瀟灑江湖十過秋，酒杯無日不淹留。一作遲謝公城畔溪  
鷺夢，蘇小門前柳拂頭。千里雲山何處好，幾人襟韻一  
生休。塵冠挂却知閑事，終擬一作把蹉跎訪舊遊。

春末題池州弄水亭

使君四十四兩佩左銅魚為吏非循吏論書讀底書晚  
花紅艷靜高樹綠陰初亭宇清無比溪山畫不如嘉賓  
能嘯詠官妓巧粧梳逐日愁皆碎隨時醉有餘偃須求  
五鼎陶祇愛吾廬趣向人皆異賢豪莫笑渠

登池州九峰樓寄張祜

百感中來不自由角聲孤起夕陽樓碧山終日思無盡  
芳草何年恨即一作始休曉在眼前長一作猶不見道非身外更  
一作欲何求誰人得似張公子千首詩輕萬戶侯

齊安郡晚秋

柳岸風來影漸疎使君家似野人居雲容水態還堪賞

嘯志歌懷亦自如雨暗殘燈暮散後一作發酒醒孤枕鴈來  
初可憐赤壁爭雄渡唯有羨翁坐釣魚

九日齊安一作齊山登高

江涵秋影鴈初飛與客携壺上翠微塵世難逢開口笑  
菊花須插滿頭歸但將酌酹酬佳節不用登臨歎一作恨落  
暉古往今來只如此牛山何必淚一作獨霑衣

池州春送前進士蒯希逸

芳草復芳草斷腸還斷腸自然堪下淚何必更殘陽楚  
岸千萬里燕鴻三兩行有家歸不一作未得況舉別君觴

齊安郡中偶題二首

兩岸落日溪橋上半縷輕煙柳影中多少綠荷相倚恨  
一時回首背西風

秋聲無不攪離心夢澤蒹葭楚雨深自滴階前大梧葉  
于君何事動哀吟

齊安郡後池絕句

菱透浮萍綠錦池夏鶯千轉弄薔薇盡日無人看微雨  
鴛鴦相對浴紅衣

題齊安城樓

嗚咽一作江樓角一聲微陽綴綴落寒汀不用憑闌苦回  
首故鄉七十五長亭

池州李使君沒後十一日處州新命始到後見  
婦妓感而成詩

縉雲新命詔初行纔是孤魂壽器一作受氣成黃壤不知新  
雨露粉書空一作換舊銘旌巨卿哭處雲空斷阿鶯啼來  
月正明多少四年遺愛事鄉閭生子李為名

見劉秀才與池州妓別

遠風南浦萬重波未似生離別恨多楚管能吹柳花怨  
吳姬爭唱竹枝歌金釵橫處綠雲隨玉筋凝時紅粉和  
待得枚臯相見日自應粧鏡笑蹉跎

池州廢林泉寺

廢寺林一作碧溪上頽垣倚亂峰看棲樹鳥猶想過山鐘  
石路尋僧去此生應不逢

憶齊安郡

平生睡足處雲夢澤南州一夜風欺竹連江雨送秋  
格卑常汨汨力學強悠悠終掉壁中手一作首瀟湘釣漫流

池州清溪

弄溪終日到黃昏照數秋來白髮根何物賴君千遍洗  
筆頭塵土漸無痕

遊池州林泉寺金碧洞

袖拂霜林下石稜潺湲聲斷滿溪冰携茶臘月遊金碧

合有文章病茂陵

即事黃州作

因思上黨三年戰閑詠周公七月詩竹帛未聞書死節  
丹青空見畫靈旗蕭條井邑如魚尾早晚干戈識虎皮  
莫笑一麾東下計滿江秋浪碧參差

贈李秀才是上公孫子

骨清年少眼如水鳳羽參差五色層天上麒麟時一下  
人間不獨有徐陵

寄李起居四韻

楚女梅簪白雪姿前溪碧水凍醪時雲壘心凸知難捧



鳳管簧寒不受吹，南國劍眸能盼眇。侍臣香袖愛傲垂，  
自憐窮律窮途客。正怯一作切孤燈一局棋。

題池州貴池亭

勢比凌歊宋武臺，分明百里遠帆開。蜀江雪浪西江滿，  
強半春寒一作風去却來。

蘭溪在新西

蘭溪春盡碧泱泱，映水蘭花兩發香。楚國大夫憔悴日，  
應尋此路去瀟湘。

睦州四韻

州在釣臺邊，溪山實可憐。有家皆掩映，無處不潺湲。好

樹鳴幽鳥晴樓一作繼入野煙，殘春杜陵客。中酒落花前。

秋晚早發新定

解印書千軸，重陽酒百缸。涼風滿紅樹，曉月下秋江。巖  
壑會歸去，塵埃終不降。懸纓未敢濯，嚴瀨碧淙淙。

除官歸京睦州雨霽

秋半吳天霽，清凝萬里光。水聲侵笑語，嵐翠撲衣裳。遠  
樹疑羅帳，孤雲認粉囊。溪山侵兩越，時節到重陽。顧我  
能甘賤，無由得自強。恨曾公觸尾，不敢夜循牆。豈意籠  
飛鳥，還為錦帳郎。網今開傳燹，書舊識黃香。曾在史館四年姹女  
真虛語，飢兒欲一行。淺深須揭厲，休更學張綱。

夜泊桐廬先寄蘇臺盧郎中

水檻桐廬館，歸舟繫石根。笛吹孤戍月，犬吠隔溪村。十載違清裁，一作義幽懷未一論。蘇臺菊花節，何處與開樽。

新轉南曹未叙朝散，初秋暑退出守吳興書此篇以自見志。

捧詔汀洲去，全家羽翼飛。喜拋新錦帳，榮借舊朱衣。且免材為累，何妨拙有機。宋株聊自守，魯酒怕旁圍。清尚寧無素，光陰亦未晞。一盃寬幕席，五字弄珠璣。越浦黃柑嫩，吳溪紫蟹肥。平生江海志，佩得左魚歸。

題白蘋洲

山鳥飛紅帶，亭薇折紫花。溪光初透徹，秋色正清華。靜處知生樂，喧中見死誇。無多珪組累，終不負煙霞。

題茶

一在二

山實東吳秀，茶稱瑞草魁。剖符雖俗吏，修貢亦仙才。溪盡停蠻櫂，旗張卓翠苔。柳村穿窈窕，松澗渡喧阗。等級雲峰峻，寬平洞府開。拂天聞笑語，特地見樓臺。泉嫩黃金湧，山有金沙泉修貢出羅貢即絕牙香紫壁裁。拜章期沃日，輕騎疾奔雷。舞袖嵐侵澗，一作潤歌聲谷答回。磬音藏葉鳥，雪豔照潭梅。好是全家到，兼為奉詔來。樹陰香作帳，花徑落成堆。景物殘三月，登臨愴一盃。重遊難自尅，俛首入塵埃。

茶山下作

春風最窈窕日曉柳村西  
橋雲光占岫健水鳴分溪  
燎巖野花遠憂瑟幽鳥啼  
把酒坐芳草亦有佳人携

入茶山下題水口草市絕句

倚溪侵嶺多高樹  
誇酒書旗有小樓  
驚起鴛鴦豈無恨  
一雙飛去却回頭

春日茶山病不飲酒因呈賓客

笙歌登畫船十日清明前  
山秀白雲膩溪光紅粉鮮  
欲開未開花半陰半晴  
天誰知病太守猶得作茶仙

不飲贈官妓

芳草正得意汀洲日欲西  
無端千樹柳更拂一條溪  
幾朵梅堪折何人手好携  
誰憐佳麗地春恨却悽悽

早春贈軍事薛判官

雪後新正半春來  
四刻長晴梅朱粉  
艷嫩水碧羅光弦  
管開雙調花鈿坐  
兩行唯君莫惜醉  
認取少年場

代吳興妓春初寄薛軍事

霧冷侵紅粉春陰撲翠鈿  
自悲臨曉鏡誰與惜流年  
柳暗霏微雨花愁黯淡  
天金釵有幾隻抽當酒家錢

八月十二日得替後移居雪溪館因題長句四

韻

場一作場

萬家相慶喜秋成，處處樓臺歌板聲。千歲鶴歸猶有恨，  
一年人住豈無情。夜涼溪館留僧話，風定蘇潭看月生。  
景物登臨閑始見，願為閑客此閑行。

初冬夜飲

淮陽多病偶求歡，客袖侵霜舉燭盤。砌下梨花一堆雪，  
明年誰與凭闌看。

舉一作吳

栽竹

本因遮日種，却似為溪移。歷歷羽林影，疎疎煙露姿。蕭  
騷寒雨夜，敲劔晚風時。故國何年到，塵冠挂一枝。

梅

輕盈照溪水，掩斂下瑤臺。妬雪聊相比，欺春不逐來。偶  
同佳客見，似為凍醪開。若在秦樓畔，堪為弄玉媒。

山石榴

似火山榴映小山，繁中能薄艷中閑。一朵佳人玉釵上，  
祇疑燒却翠雲鬟。

柳長句

日落水流西復東，春光不盡柳何窮。巫娥廟裏低含雨，  
宋玉宅前斜帶風。不嫌<sup>一作莫將</sup>榆莢共爭翠，深與<sup>一作感杏</sup>桃花相  
映。紅灞上漢南，千萬樹幾人遊。官別離中

隋堤柳

夾岸垂楊三百里，祇應圖畫最相宜。  
自嫌流落西歸疾，不見東風二月時。

柳絕句

數樹新開翠影齊，倚風情態被春迷。  
依依故國樊川恨，半掩村橋半掩溪。  
一作拂溪

獨柳

含煙一株柳，拂地搖風久。  
佳人不忍折，悵望回纖手。

早鴈

金河秋半虜弦開，雲外一作除驚飛四散哀。  
仙掌月明孤影過，長門燈暗數聲來。  
須知胡騎紛紛在，一作雞隨胡馬翩翩去豈逐

春風一一回，莫厭一作好是瀟湘無人處。  
水多菰米岸莓苔。

鷓鴣

芝莖抽紺趾，清唳擲金梭。  
日翅閑張錦，風池去冒羅。  
靜眠依翠荇，一作竹暖戲折高荷。  
山陰豈無爾，爾爾字換羣鷓。

鷓鴣

華堂日漸高，雕檻繫紅綰。  
故國隴山樹，美人金剪刀。  
避籠交翠尾，罅靜新毛不。  
念三緘事世途，皆爾曹。

鷓鴣

清音迎曉月，愁思立寒蒲。  
丹頂西施頰，霜毛四皓鬚。  
碧雲行止躁，白鷺性靈羸。  
終日無羣伴，溪邊弔影孤。

鴉

擾擾復翻翻，黃昏颺冷煙。毛欺皇后髮，聲感楚姬弦。蔓壘盤風下，霜林接翅眠。祇如西旅樣，頭白豈無緣。

鷺鷥

雪衣雪髮青玉觥，羣捕魚兒漢影中。鷺飛遠一作映碧山去，一樹梨花落晚風。

村舍燕

漢宮一百四十五，多下珠簾閉瑣窓。何處營巢夏將半，茅簷煙裏語雙雙。

歸燕

畫堂歌舞喧喧地，社去社來人不看。長是江樓使君伴，黃昏猶待倚闌干。

傷懷

獨折南園一朵梅，重尋幽坎已生苔。無端晚吹驚高樹，似裊長枝欲下來。

還俗老僧

雪鬢不長寸，秋寒力更微。獨尋一徑葉，猶挈衲殘衣。日暮千峰裏，不知何處歸。

斫竹

寺廢竹色死，官家一作官家寧爾留。霜根漸隨斧，風玉尚敲秋。

江南苦吟客何處送悠悠

將赴湖州留題亭菊

陶菊手自種楚蘭心有期遙知渡江日正是擷芳時

折菊

籬東菊徑深折得自孤吟雨中衣半溼擁鼻自知心

雲一作襟  
載詩

盡日看雲首不回無心都大似無才可憐光彩一片玉

萬里晴一作青天何處來

醉後題僧院

離心忽忽復悽悽兩海傾瓶取醉泥可羨高僧共心語

一如携一作禪往東西

題禪院一作醉後  
題僧院

觥船一擢一作掉百分空十歲一作十載青春不負公今日鬢絲禪

榻畔茶煙輕一作悠颺落花風

哭李給事中敏

陽陵郭門外陂陀丈五墳九泉如結友茲地好埋君朱雲

葬陽陵  
郭外

黃州竹徑

竹濁一作岡蟠小徑屈折鬪蛇來三年得歸去知遶幾千回

題敬愛寺樓

暮景千山雪春寒百尺樓獨登還獨下誰會我悠悠

送劉秀才歸江陵

絲服鮮華觀渚宮鱸魚新熟別江東劉郎浦夜侵船月  
宋玉亭春弄一作滿袖風落落精神終一作將有立飄飄才思香  
無窮誰人世上為金口借取明時一薦雄

見吳秀才與池州妓別因成絕句

紅燭短時羌笛怨清歌咽處蜀弦高萬里分飛兩行淚  
滿江寒雨正蕭騷

湖南正初招李郢秀才

行樂及時時已晚對酒當歌歌不成千里暮山重叠翠

一溪寒水淺深清高人以飲為忙事浮世除詩盡強名  
看著白蘋芽欲吐雪舟相訪勝閑行

贈朱道靈

劉根丹篆三千字郭璞青囊兩卷書牛渚磯南謝山北  
白雲深處有巖居

屏風絕句

屏風周昉畫織腰歲久丹青色半銷斜倚玉窓鸞髮女  
拂塵猶自妬嬌嬈

哭韓綽

平明送葬上都門緋綉交橫逐去魂歸來冷笑悲身事



喚婦呼兒索酒盆

新定途中

無端偶效張文紀，下杜鄉園別五秋。  
重過江南更千里，萬山深處一孤舟。

題新定八松院小石

雨滴珠璣碎，苔生紫翠重。  
故關何日到，且看小三峰。

往年隨故府，吳興公夜泊。  
蕪湖口今赴官西去。

再宿蕪湖感舊傷懷因成十六韻

南指陵陽路，東流似昔年。  
重恩山未答，雙鬢雪飄然。  
數仞慙投跡，羣公愧拍肩。  
鴛鴦錦繡塵土浴，潺湲郭隗

黃金峻，虞卿白壁鮮。  
貂貅環玉帳，鸚鵡破蠻笺。  
極浦沈碑會，秋花落帽筵。  
旌旗明迥野，冠珮照神仙。  
籌畫言何補，優容道實全。  
謳謠人撲地，雞犬樹連<sub>齊</sub>天。  
紫鳳超如電，青襟散似煙。  
蒼生未經濟，墳草已芊綿。  
往事惟沙月，孤燈但客船。  
峴山雲影畔，棠葉水聲前。  
故國還歸去，浮生亦可憐。  
高歌一曲淚，明日夕陽邊。

樊川詩集卷第三

皇和文化十三年夏六月

館機樞卿校字

樊川詩集卷第四

唐 杜牧 牧之

懷鍾陵舊遊四首

一謂征南家少年，虞卿雙臂截肪鮮。  
歌謠千里春長暖，絲管高臺月正圓。  
玉帳軍籌羅俊彥，絳帷環珮立神仙。  
陸公餘德機雲在，如我鼎恩合執鞭。

滕閣中春綺席開，柘枝蠻鼓殷晴雷。  
垂樓萬幕青雲合，破浪千帆陣馬來。  
未掘雙龍牛斗氣，高懸一榻棟梁材。  
連巴控越知何事，一作珠翠沈檀處處堆。

十頃平湖堤柳合，岸秋蘭芷綠纖纖。  
一聲明月採蓮女

四面朱樓卷畫簾，白鷺煙分光的的。微連風定翠沾沾。  
徒兼切斜輝更落西山影，千步虹橋氣象兼。

控歷平江十萬家，秋來江靜鏡新磨。城頭晚鼓雷霆後，  
橋上遊人笑語多。日落汀痕千里色，月當樓午一聲歌。  
昔年行樂穠桃畔，醉與龍沙揀蜀羅。

臺城曲二首

整整復斜斜，隋旗簇晚沙。門外韓擒虎樓頭，張麗華誰  
憐容足地，却羨井中龜。  
王頌兵勢急，鼓下坐蠻奴。激澁倪塘水，叉牙出骨鬚。乾  
蘆一炬火，回首是平蕪。

江上雨寄崔碣

春半平江雨，圓文破蜀羅。聲眠篷底客，寒溼釣來蓑。暗  
澹遮山遠，空濛著柳多。此時懷舊恨，相望意如何。

罷鍾陵幕吏十三年來泊湓浦感舊為詩

青梅雨中熟，檣倚酒旗邊。故國殘春夢，孤舟一褐眠。搖  
搖遠堤柳，暗暗十程煙。南秦鍾陵道，無因似昔年。

商山麻澗

雲光嵐彩四面合，柔柔一作柔垂柳十餘家。雉飛鹿過芳草  
遠，牛巷雞埘春日斜。秀眉老父對樽酒，倩袖女兒簪野  
花。征車自念塵土計，惆悵溪邊書細沙。

高山富水

一作春驛驛本名與陽諫議同姓名因此改為富水驛

益躉由來未覺賢，終須南去弔湘川。  
當時物議朱雲小，後代聲華白日懸。  
邪佞每思當面唾，清貧長欠一杯錢。  
驛名不合輕移改，留警朝天者惕然。

丹水

何事苦縈迴，離腸不自裁。  
恨身一作聲隨夢去，春態逐雲來。  
沈定藍光徹，喧盤粉浪開。  
翠巖三百尺，誰作子陵臺。

題武關

碧溪留我武關東，一笑懷王跡自窮。  
鄭袖嬌嬈酣似醉，屈原憔悴去如蓬。  
山墻谷壑依然在，弱吐強吞盡已空。

今日聖神家四海，戍旗長卷夕陽中。

除官赴闕商山道中絕句

水疊鳴珂樹如帳，長楊春殿九門珂。  
我來惆悵不自決，欲去欲住終如何。

漢江

溶溶漾漾白鷗飛，綠淨春深好染衣。  
南去北來人自老，夕陽長送釣船歸。

襄陽雪夜感懷

往事起，獨念飄然自不勝。  
前灘急夜響，密雪映寒燈。  
的的三年夢，迢迢一綫緼。  
明朝楚山上，莫上最高層。

詠歌聖德遠懷天寶因題關亭長句四韻

聖敬文思業太平海寰天下唱歌行秋來氣勢洪河壯  
霜後精神泰華嶷一作寧廣德者一作有強朝萬國用賢無敵是  
長城君王若悟治安論一作皮論安史何人敢弄兵

途中作

綠樹南陽道千峰勢遠隨碧溪風澹一作慢態芳樹雨餘一作陰  
姿野渡雲初暖征人袖半垂殘花不足一作醉行樂是何  
時

重到襄陽哭亡友韋一作章壽朋一作重宿襄州

故人墳樹立一作五秋風伯道無兒跡更空重到笙歌分散

地隔江吹笛一作曲月明中

赤壁一作李商隱詩

折戟沈沙鐵未一作半銷自將磨洗認前朝東風不與周郎  
便銅雀春深鏤一作二喬

雲夢澤

日旗龍旆想飄揚一索功高縛楚王直是超然五湖客  
未如終始郭汾陽

除官行至昭應聞友人出官因寄

賤子來千里明公去一麾一作不能休一作揮涕淚豈獨感恩  
知草木窮秋一作秋風後山川落照時如何望故國驅馬却遲

遲

寄浙東韓又評事

一笑五雲溪上舟，跳丸日月十經秋。  
鬢衰酒減欲誰泥，跡辱魂慙好自尤。  
夢寐幾回迷蛺蝶，文章應解一作廣畔牢愁。  
無窮塵土無聊事，不得清言解不休。

泊秦淮

煙籠寒山月籠沙，夜泊秦淮近酒家。  
商女不知亡國恨，隔江猶唱後庭花。

秋浦途中

蕭蕭山路窮，秋雨浙浙溪風一岸。  
一作浦為問寒沙新到

雁來時還下一作在杜陵無

題桃花夫人即息夫人廟

細腰宮裏露桃新，脈脈無言度幾春。  
至竟息亡緣底事，可憐金谷墜樓人。

初春有感寄歙州邢員外

雪漲前溪水帝聲，已繞灘梅衰未減。  
態春嫩不禁寒跡，去夢一覺年來事百般。  
聞君亦多感，何處倚闌干。

書懷寄中朝往還

平生自許少塵埃，為吏塵中勢自迴。  
朱紱久慚官借與，白題一作頭還嘆老將來。  
須知世路難輕進，豈是君門不大

題一作頭

開霄漢幾多同學伴可憐頭角盡卿材

寄崔鈞

緘書報子玉為我謝平津自愧掃門士誰為乞火人詞  
臣陪羽獵戰將驂騏驎兩地差池恨江汀醉送君

騏驎一作駢鄰

初春雨中舟次和州橫江裴使君見迎李趙二  
秀才同來因書四韻兼寄江南許渾先輩

芳草渡頭微雨時萬株楊柳拂波垂蒲根水暖雁初浴  
梅徑香寒蜂未知辭客倚風吟暗淡使君迴馬濕旌旗  
江南仲蔚多情調悵望春一作青陰幾首詩

和州絕句

江湖醉度十年春牛渚山邊六問津歷陽前事知何一作虛  
實高位紛紛見陷人

題烏江亭

勝敗兵家一作事事不一作不可期色差忍恥是男兒江東子弟多  
才一作豪俊卷土重來未可知

題橫江館

孫家兄弟晉龍驤馳騁功名業帝王至竟江山誰是主  
苔磯空屬釣魚郎

寄澧州張舍人苗

髮勻肉好生春嶺截玉鑽星寄使君檀的染時痕半月

落梅飄處響穿雲，樓中威鳳傾冠聽。沙上鶩鴻掠水分，  
遙想紫泥封詔罷。夜深應隔禁牆聞。

寄揚州韓綽判官

青山隱隱水迢迢，一作迢迢秋盡江南草木凋。二十四橋明月  
夜，玉人何處教吹簫。

送李羣玉赴舉

故人別來面如雪，一榻拂雲秋影中。玉白花紅三百首，  
五陵誰唱與春風。

送薛種遊湖南

賈傅松醪酒，秋來美更香。憐君片雲思，一去遠一作一瀟一作一

湘

題壽安縣甘棠館御溝

一渠東注芳華苑，苑鏤池塘百歲空。水殿半傾蟾口澀，  
為誰流下蒹花中。

汴河一作水懷古

錦纜龍舟隋煬帝，平臺複道漢梁王。遊人閑一作還起前朝，  
念折柳孤吟斷殺腸。

汴河阻凍

千里長河初凍時，玉珂瑤珮響參差。浮生却一作似冰底，  
水日夜東流人不知。



蕭張枯處士見寄長句四韻

七子論詩誰似公曹劉須在指揮中薦銜昔日知文舉

今孤相公曹表薦處士乞火無何人作蒯通北極樓臺長挂夢西江波

浪遠吞空可憐故國三千里虛唱歌詞滿六宮處士詩曰故國三千里深

宮二十年一聲河滿子雙淚落君前

寄宣州鄭諫議

大夫官重醉江東瀟灑名儒振古風文石陛前辭聖主

碧雲天外作冥鴻五言寧謝顏光祿百歲須齊衛武公

再拜宜同一作文人行過庭交分有無一作誰同

題元一作處士高亭宣州

水接西江天外聲小齋松影拂雲平何人教我吹長笛

鄭瓘協律

廣文遺韻留樽散雞犬圖書共一船自說江湖不歸事

阻風中酒過年年

和野人殷潛之題籌筆驛十四韻

三吳裂婺女九錫獄孤兒霸王一作業未半本朝心是誰

永安宮受詔籌筆驛沈思畫地乾坤在濡毫勝負知艱

難同草創得失計毫釐寐默經千慮分明渾一作混一期川

流縈智思山聳助扶持慷慨匡時略從容問罪師褒中

秋鼓角渭曲晚旌旗仗義懸無敵鳴攻故一作有辭若非  
天奪去豈復慮一作能支子夜星纔落鴻毛鼎便移郵亭  
世自換白日事長垂何處躬耕者猶題殄瘁詩

重題絕句一首

郵亭寄人世人世寄郵亭何如自籌度鴻路有冥冥

送陸洵郎中棄官東歸

少微星動一作照春雲魏闕衡門路自分  
倏去忽來應有意世間塵土謾疑君

寄珉笛與宇文舍人

調高銀字聲還側物比柯亭韻校奇寄與玉人天上去

桓將軍見不教吹

寄內兄和州崔員外十二韻

歷陽崔太守何日不含情恩義同鍾李李膺鍾瑤中外兄弟少相友善頃荒  
實弟兄光塵能混合擘畫最分明臺閣仁賢譽閨門孝  
友聲西方像教毀南海繡衣行為嶺南行金索寧迴顧珠簾  
肯一振祗宜裁密詔何自取專城進退無非道徊翔必  
有名好風初婉軟離思苦縈盈金馬舊遊貴桐廬春水  
生雨侵寒牖夢梅引凍醪傾共祝中興主高歌唱太平

遣興

鏡弄白鬢鬢如何作老夫浮生長匆匆兒小且嗚嗚怒

過事堪喜泰來憂勝無治平心徑熟不遣有窮途

早秋

疎雨洗空曠秋標驚意新大熱去酷吏清風來故人尊  
酒酌未酌晚一作晚花頻不頻銖秤與縷雪誰覺老陳陳

秋思

熱去解鉗鈇飄蕭秋半時微雨池塘見好風襟袖知髮  
短梳未足枕涼閑且飲平生分過此何事不參差

途中一絕

鏡中絲髮悲來慣衣上塵痕拂漸難惆悵江湖釣竿手  
却遮西日向長安

春盡途中

田園不事來遊宦故國誰教爾別離獨倚關亭還把酒  
一年春盡送春詩一作時

題村舍

三一作數樹稚桑春未到一作到扶床乳一作兒女午啼飢潛銷暗鏢  
歸何處萬指一作戶侯家自不知

代人寄遠六言二首一本作一首

河橋酒旆風軟候館梅花雪嬌宛陵樓上瞪目一作春曉我郎  
何處情饒

繡領任垂蓬鬢丁香開結春梢曠肯新年歸否江南綠

草迢迢

閨情

娟娟却月，看新鬢學鴉飛。暗砌勻檀粉，晴窓畫夾衣。袖紅垂，寐寤眉黛歛，依稀還向長陵去。今宵歸不歸。

舊遊

一作

閑吟芍藥詩，惆望久。頰看盼眇迴眸，遠織衫一作整鬢。遲重尋春畫，夢笑一作擬把淺花枝。小市長陵住，非郎誰一作何得知。

寄遠

隻影隨鷺雁，單棲錄畫籠。向春羅袖薄，誰念舞臺風。

簾

徒云逢剪削，豈謂見編裝。鳳節輕雕日，鸞花薄飾香。問屏何屈曲，憐帳解周防。下漬金階露，斜分碧瓦霜。沈沈伴春夢，寂寂侍華堂。誰見昭陽殿，真珠十二行。

寄題甘露寺北軒

曾向一作上蓬萊宮裏行，北軒闌檻最留情。孤高堪弄桓伊笛，縹緲宜聞子晉笙。天接海門秋水色，煙籠隋苑暮鐘聲。他年會著荷衣去，不向山僧說一作道姓名。

題青雲館

虬蟠千仞刺，羊腸天府由來百二強。四皓有芝輕漢祖，

張儀無地與懷王雲連帳影蘿陰合枕遠泉聲客夢涼  
深處會容高尚者水苗三頃百株桑

正初奉勅歙州刺史邢羣

翠巖千尺倚溪斜曾得嚴光作釣家越嶂遠分丁字水  
臘梅遲見二年花明時刀尺君須用幽處田園我有涯  
一壑風煙陽羨里解龜休去路非賒

江上偶見絕句

楚江寒食橘花時野渡臨風駐綵旗草色連雲人去住  
水紋如縠燕差池

題木蘭廟

彎弓征戰作男兒夢裏曾經與畫眉幾度思歸還把酒  
拂雲堆上祝明妃

入商山

早入商山百里雲藍溪橋下水聲分流水舊聲人舊耳  
此迴嗚咽不堪聞

偶題

甘羅昔作秦丞相子政曾為漢輦郎千載更逢王侍讀  
當時還道有文章

送盧秀才一絕

春瀨與煙遠送君孤權開潺湲如不改愁更釣魚求

醉題

金鑷洗霜鬢，銀觥敵露桃。醉頭扶不起，三丈日還高。

題商山四皓廟一絕

呂氏強梁嗣子柔，我於天性豈恩讐。南軍不袒左邊袖，四老安劉是滅劉。

送隱者一絕

無媒徑路草蕭蕭，自古雲林遠市朝。公道世間唯白髮，貴人頭上不曾饒。

題張處士山莊一絕

好鳥疑敲磬，風蟬認輶箏。修篁與嘉樹，偏倚半巖生。

有懷重送斛斯判官

蒼蒼煙月滿川亭，我有勞歌一為聽。將取離魂隨白騎，三台星裏拜文星。

贈別二首

娉娉裊裊十三餘，荳蔻梢頭二月初。春風十里揚州路，一作郭卷上珠簾總不如。

多情却似總無情，唯一作但覺尊前笑不成。蠟燭有心還惜別，替人垂淚到天明。

寄遠

前山極遠一作遠極碧雲合，清夜一聲白雪微。欲寄相思千里

月溪邊一作儂溪殘照雨霏霏

少年行

官為駿馬監職帥羽林兒兩綬歲不見落花何處期獵  
敲白玉鐙怒袖紫金鉞田實長留醉蘇辛曲讓岐豪持  
出塞節笑別遠山眉捷報雲臺賀公卿拜壽卮

盆池

鑿破蒼苔地偷他一片天白雲生鏡裏明月落堦前

有寄

雲闊煙深樹江澄水浴秋美人何處在明月萬山頭

樊川詩集卷第四

館機樞卿校字

